



Atuarfeqarneq ilinniartitaanerlu pillugit aaqqissuusseqqinneq pillugu nassuiaammik Inatsisartut UPA2021-imi ataatsimiinissaanni saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaatur siunnersuut.

(Inatsisarsutut ilaasortaq Jens NapatÔK' Partii Naleraq)
(Siullermeerneqarnera)

Qularutigineqanngilluinnassaaq, uatsinnut politikkerinut pingaarnerpaamat nunatsinni ilinniartitaanerup qaffassarnissaa. Ajoraluartumilli nunanut allanut sanilliulluta sulii kinguarsimavallaarpugut ilinniagaqarsimanerup qaffasissusaannut tunngatillugu, uffalu, ukiorpassuarni aningaasarpasuit tassunga atorsimagaluarlutigit.

Partii Naleqqamiit siunnersuutip uuma Naalakkersuisut suliakkerpai atuarfeqarnerup ilinniartitaanerullu aaqqissuuteqqinnerata nassuiaatigineqarnissaanik. Demokraatit isumaqatiginngilaat, uani taamaaliornissaq eqqortuussasoq. Nassuiaat siunnersuutigineqartoq aaqqissuusseqqinnermi naliginnaasumik nassuiaaqqusineruvoq, aammalu isumaqanngilagut, maannakkut inissimaffitsinni, taamatut iliornissaq eqqortuusoq. Akerlianilli isumaqarpugut, piviusumik iliuuseqarneq eqqornerussasoq.

Taamaattumillu uani katersuunnermi marlunnik tigussaasorujussuarnik iliuuseqarnissamik siunnersuuteqarpunga. Siullermik atuarfinni allatsitut ilinniartitsinissap piviusunngortinneqarnissaa, taakku atuarfinni pisortat allaffissornikkut oqilisaatissamatigit. Appaatullu siunnersuutigaara, atuarfinni isumalluutini atorfinitsisoqassasoq, ullumikkorniit siusinnerusukkut meeqqanik inuuniarnermikkut ajornartorsiuteqartunik kinaassusersiinissamat peqataasinnaasunik, taamaasillutik eqqortumik ikiorneqarniassammata.

Suliniutit piviusut uani taakkartorneqartunut assigusut uagut Demokraatiniit aningaasanik atuiffigissallugit kajumigineruagut naliginnaasumik nassuiaammik aammaarluni sanasoqaqqinneranit.

Tamanna tunngavigalugu siunnersuutip itigartinneqarnissaa innersuussutigaarput.